



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04-34-54267-16/26
Sarajevo, 27.8.2026. godine

Na osnovu člana 66. i 68. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05) i člana 18. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08, 21/09, 33/21 i 31/22) ministrica za odgoj i obrazovanje Kantona Sarajevo donosi

**IZMJENA I DOPUNA INSTRUKCIJE O UPISU DJECE U
PREDŠKOLSKOJE USTANOVE U ŠKOLSKOJ 2026/2027. GODINI**
broj: 11-04-34-54267-6/26 od 6. 4. 2026. godine

Član 1.

U Instrukciji o upisu djece u predškolske ustanove u školskoj 2026/2027. godini, broj: 11-04-34-54267-6/26 od 6. 4. 2026. godine, i Izmjeni i dopuni Instrukcije, broj: 11-04-34-54267-11/26 od 11. 5. 2026. godine, nakon poglavlja IV – UPIS I PREDAJA DOKUMENTACIJE, dodaje se novo poglavlje V – NAČIN UPISA U PREDŠKOLSKU USTANOVU U SLUČAJU DA PERIODIČNI UPISNI ROK NIJE REALIZOVAN PRIJE POČETKA ŠKOLSKOJE GODINE, koje glasi:

„V – NAČIN UPISA U PREDŠKOLSKU USTANOVU U SLUČAJU DA PERIODIČNI UPISNI ROK NIJE REALIZOVAN PRIJE POČETKA ŠKOLSKOJE GODINE

Izuzetno, ukoliko periodični upisni rok za školsku 2026/2027. godinu nije realizovan prije početka školske godine, omogućava se upis djeteta u predškolsku ustanovu na način da se roditelj/staratelj neposredno obrati predškolskoj ustanovi koju je dijete pohađalo u školskoj 2025/2026. godini ili drugoj predškolskoj ustanovi koja raspolaže slobodnim mjestima, te sa istom zaključi ugovor o boravku djeteta za period od 1. septembra 2026. godine do okončanja prvog periodičnog upisnog roka.

Upis djece i formiranje odgojno-obrazovnih grupa na način iz stava 1. ovog poglavlja vrši se u skladu sa važećim Pedagoškim standardima i normativima.

Prednost pri upisu na način iz stava 1. ovog poglavlja, i to isključivo za period od 1. septembra 2026. godine do okončanja prvog periodičnog upisnog roka, imaju djeca koja su u školskoj 2025/2026. godini već pohađala predškolsku ustanovu.

Djeca upisana na način iz ovog poglavlja neće se evidentirati u informacionom sistemu EMIS za period od 1. septembra 2026. godine do okončanja prvog periodičnog upisnog roka, a najkasnije do 10. oktobra 2026. godine.

Izuzetak iz ovog poglavlja ne odnosi se na djecu koja su putem upisnog roka provedenog u periodu april–juni 2026. godine stekla pravo na upis u predškolsku ustanovu, niti na djecu koja su pod izuzetnim okolnostima stekla pravo na upis u predškolsku ustanovu (npr. posredstvom Centra za socijalni rad).

Djeca iz prethodnog stava evidentiraju se u informacionom sistemu EMIS nakon što njihovi roditelji/staratelji zaključe ugovor sa predškolskom ustanovom u kojoj su ostvarili pravo na upis.“

Član 2.

Ostale odredbe Instrukcije o upisu djece u predškolske ustanove u školskoj 2026/2027. godini, broj: 11-04-34-54267-6/26 od 6. 4. 2026. godine, i Izmjene i dopune Instrukcije, broj: 11-04-34-54267-11/26 od 11. 5. 2026. godine, ostaju neizmijenjene.

Član 3.

Ova izmjena i dopuna Instrukcije stupa na snagu danom donošenja.

Dostaviti:

1. naslovu
2. web stranica Ministarstva za odgoj i obrazovanje Kantona Sarajevo
3. a/a

